

Admela Hodžić, zastupnica u Skupštini Kantona Sarajevo
Aljoša Čampara, zastupnik u Skupštini Kantona Sarajevo
Sarajevo, 26.02.2024. godine, 14. radna sjednica Skupštine Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo N/r predsjedavajućeg
Vlada Kantona Sarajevo N/r premijera
Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo

ZASTUPNIČKU INICIJATIVU

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) podnosim inicijativu Vladi Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo da u saradnji sa drugim ministarstvima

- iznađu sredstva u iznosu od približno 5.500.000 KM za isplatu razlike iznosa pojedinačne subvencije u visini do 10.000 KM za rješavanje stambenog pitanja mladih po javnom pozivu iz 2023. godine.

Odnosno, da se planirana sredstva za 2024. godinu sa stavke - Ekonomski kod 615200 YAU028 061F - Kapitalni transferi pojedincima - Subvencioniranje mladih pri rješavanju stambenog pitanja, na koji se svake godine po okončanju javnog poziva prebace potrebna sredstva, podijele aplikantima iz javnog poziva za 2023. godinu.

OBRAZLOŽENJE

Dana 23.10.2023. godine, Ministarstvo komunalne privrede, infrastrukture, prostornog uređenja, građenja i zaštite okoliša objavilo je Javni poziv za subvencioniranje rješavanja stambenog pitanja mladih. Od 2017. godine standard u visini isplaćene pojedinačne subvencije je 10.000 KM za svakog aplikanta koji ispuni uslove po objavljenom javnom pozivu.

Međutim, zbog nedostatka sredstva u Budžetu za 2023. godinu namjenjenih u ovu svrhu, iznos pojedinačne subvencije za aplikante po javnom pozivu iz 2023. godine je umanjen u odnosu na prethodne godine, te je mladima isplaćen iznos pojedinačne subvencije od 4.816 KM, umjesto 10.000 KM što je do sada dostignuti standard. Mladi koji su ispunili uslove iz

javnog poziva su mjesecima opravdano izražavali nezadovoljstvo kroz proteste i druge načine javnog izražavanja nezadovoljstva.

Svjesni smo činjenice da je posljedni javni poziv sadržavao izmjenjene „nekontrolisane kriterije“ (Ministarstvo nije izvršilo istraživanje sa novom izmjenom kriterija kako bi utvrdilo približno koji ishod se

može očekivati, odnosno koji broj mladih okvirno može ostvariti pravo na ovu naknadu i obezbijediti sredstva, za šta je ministarstvo imalo čak 15 mjeseci da prikupi te podatke od jednog do drugog javnog poziva - Vlada toliko povećanje iznosa u ove svrhe nije mogla planirati jer nije imala ni približno procentualno tu informaciju nadležnog Ministarstva), a koji su određenoj skupini mladih ljudi omogućili da ostvare ovu vrstu pomoći i podrške prije nego što navrše 3 godine od prijave za stanovanje u Kantonu Sarajevo, kao što su to generacije ranijih godina strpljivo čekale, zbog toga moramo nastojati da se visina naknade barem ujednači.

Također, moramo imati u vidu da će naredni javni poziv sadržavati ovakvu vrstu kriterija, odnosno uslov od najmanje navršene 2 godine stanovanja u Kantonu Sarajevo i da će sredstva koja se svake godine planiraju na ovom ekonomskom kodu 615200 YAU028 061F - Kapitalni transferi pojedincima - Subvencioniranje mladih pri rješavanju stambenog pitanja, ostati neiskorištena zbog toga što je ta kategorija već obuhvaćena u posljednjem javnom pozivu, te zbog toga pokrećem ovu inicijativu da se sredstva od oko 5.500.000 KM u drugoj polovini 2024. godine dodijele mladima kojima je već isplaćeno po 4.816 KM po posljednjem javnom pozivu i namire sredstva od 10.000 KM

Zbog ovih novonastalih okolnosti naredni javni poziv za subvencije rješavanja stambenog pitanja mladih možemo planirati u narednom budžetu za 2025. godinu.

Ako Vlada i nadležno ministarstvo ipak odluče raspisati novi javni poziv za 2024. godinu, svjesni smo činjenice da će sredstva ostati uglavnom neiskorištena.

Na osnovu održanog sastanka sa predstavnicima mladih (Emerin Ahmetašević i Adnan Lukač), na kojem su istakli da razumiju okolnosti koje su nastale: kašnjenje javnog poziva, kraj budžetske godine, duži period obuhvata, promjenu kriterija i veći broj aplikanata, ali obzirom da oni nisu ti koji su kreirali javni poziv, da je to ipak radila Vlada KS, shodno tome očekuju rješenja od Vlade KS u njihovu korist s ciljem poštivanja dostignutih standarda i obećanja. Jedno od mogućih rješenja, ako Vlada KS ne ponudi bolje, trenutno isplaćenom iznosu od 4.816 KM planirati i sredstva po posebnom javnom pozivu samo za aplikante sa konačne liste (2023) u 2024. godini u kojem bi bili obuhvaćeni za isplatu razlike sredstava kako je navedeno i u inicijativi.

Podsjećanja radi, u prethodnim godinama broj aplikanata je bio znatno manji, pa tako smo imali u 2017. godini 94, u 2018. godini 330, 2019. – 459, 2020. – 276, 2021. – 865, 2022. – 511, 2023. – 1.031. Prethodnih godina javni pozivi su koliko toliko objavljivani na vrijeme i nije se čekalo da prođe 15 mjeseci kako bi se raspisao novi javni poziv, te ukidanje uslova od

3 godine stanovanja, čime je povećan broj aplikacija, kao i kraj budžetske godine kada realno imamo vrlo malo mogućnosti za dodatna sredstva.

Uvođenje programa podrške mladima, poput onih koji provode u drugim državama, npr. u susjednoj Republici Hrvatskoj gdje su iznosi podrške puno veći, težimo ka tome da i naše politike savladavaju izazove kao zemlje EU, obzirom da BiH želi u EU. Jačanje ovih mjera može biti ključno za zadržavanje i mladih ljudi u zemlji. Ovaj pristup ne samo da olakšava stvaranje doma mladim generacijama, već i doprinosi jačanju ekonomske i društvene stabilnosti.

S tim u vezi, tražim da Ministarstvo komunalne privrede, infrastrukture, prostornog uređenja, građenja i zaštite okoliša u saradnji s Vladom Kantona Sarajevo u što skorije vrijeme iznađe sredstva u iznosu od približno 5.500.000 KM za isplatu razlike iznosa pojedinačne subvencije za rješavanje stambenog pitanja mladih po pozivu iz 2023. godine u visini od 10.000 KM kako se ne bi odstupilo od do sada dostignutog standarda ovog projekta, te kako bi zaista pokazali da je Kanton Sarajevo opredijeljen da pruži adekvatnu podršku mladima u Kantonu Sarajevo.

Sarajevo, 26.02.2024. godine

Admela Hodžić

Aljoša Čampara